

兩
浙
名
賢
錄

兩浙名賢錄卷九目次

漢獨行

富春公錢讓

陳器

倉曹掾戴景成就

太尉鄭巨君弘

主簿鄭仲興雲

主簿梁宏

楊尚書喬

高孔文岱

三國吳

功曹邵溫伯疇

卓公行恕

晉

司馬孫顯世

費慈宰
意附

孫文度

功曹史孔承祖

李祥

宋齊梁陳

嚴世期

河南尹韓德茂晏

范義叔孫

丘彥先景賓

范伯珪元瑛

沈處默顯

吳達

隋

司馬姚士會最

唐

丘庶子爲

陸洗馬南金

禮部尚書羅景宣讓

五代

褚玄道雅

宋

侍御史江漢臣景防

進士馮公初制

司法葉杲卿曙

黃仲驤振

衛輔之公佐

弟公寬
公望附

吳孜

吳福

典國司理賈元範如規

江統領渙

陳德高

黃巨濟汝楫

楊大同

王朝奉允卿

子唐珪附

劉進之愈

縉雲丞喻伯強南強

通判邵武州薛子周洽

楊時庭顯

吳起之作禮

長興丞曹文起沂

德清尉潘和叔景夔

陳光庭

國子監錄事王彥古漢英

姚君俞獻可

太學吳彥成圭

汪時發大度

章附

盧寬民

葉會之大同

胡蔗一麒

特奏狀元吳道叟公轍

黃青陽叔言

李嘉仲猷

豐宅之有俊

袁昇

陳惠卿祖

從孫雷附

陳隔門柔

何長者達

徐正卿端臣

張教授仲淳

朱孔目承逸

顧潤之德玉

劉敬先儼

徐臻

潘敏脩好古

唐玉潛珏

泉州教授林德賜景熙

將作監簿王才翁英孫

元

茂林逸叟葉貫道

翰林掌書劉浚登濠

水西翁呂仲修汲

童子丹金

陳志寧

諸暨州判官俞時中器之

方鑑

劉十三

趙孟治

子由
鍾附

樂君道大原

孫良
附

宣子玄初

黃熙安純裕

黃新

潘生

陳成甫紹

孫泰然宣

劉韶父大音

子剛附

吳長卿宗元

兩浙名賢錄卷九目次終

兩浙名賢錄卷之九

東海徐象梅仲和氏謨

四明薛 岡千仞氏闕

獨行

漢 共八人

富春公錢讓

錢讓彭祖五十世孫也世居吳興時吳郡太守薛固爲
法吏所枉詔付廷尉讓携同郡婁縣卞崇詣闕稱寃廷
尉收讓拷竟楚毒備至而讓辭色不撓遂囚於圜土守

之以兵讓恬然自若枉聲彌觸天子奇其節而用之積
功封富春公食邑五千戶卒謚曰哀

陳霸

陳霸山陰人也與紀伯爲隣竊囂藩地以自益囂不較
益徙地與之伯慚悔歸所侵地囂辟不受遂爲大路鴻
嘉中太守周尹刻石旌之號曰義里吳虞翻嘗稱其漁
則化盜居則讓隣感侵退藩遂成義里今俗稱讓簷街
云

倉曹掾戴景成就

戴就字景成上虞人仕郡倉曹掾楊州刺史歐陽參奏
太守朱公浮賊罪遣部從事薛安收就於錢唐獄幽囚
拷掠五毒叅至就慨慷直辭顏色不變主者窮極慘酷
無復餘方至卧就覆舩下以馬通薰之一夜二日皆謂
已死發舩視之就方張眼罵曰何不益火而使滅絕主
者白安安呼見就謂曰太守罪穢狼籍受命拷實君何
故以骨肉拒杆耶就據地答言太守剖符大臣當以死
報國卿雖听命固宜中斷冤毒奈何誣枉忠良強相掠
理令臣謗其君子證其義就考死之日當白於天如蒙

生全亦手刃相裂安奇其壯節卽解械表釋郡事浮箴還京師後太守劉寵舉就孝廉病卒

太尉鄭巨君弘

鄭弘字巨君山陰人少爲鄉嗇夫太守第五倫行春覓而奇之召署督郵舉孝廉弘師同郡河東太守焦贛楚王英謀反發覺連及贛贛被收捕疾病道亡妻子被繫詔獄掠拷連年諸生故人懼相連及皆改變名姓以逃其禍弘獨詣闕上章爲贛訟罪顯宗覺悟卽赦其家屬弘躬送贛喪及妻子還鄉里由是顯名拜爲鄒令政有

仁惠民稱藉息遷淮陰太守元和初拜太尉弘前後所
陳有補益王政者皆著之南宮以爲故事

主簿鄭仲興雲

鄭雲字仲興寧波人學韓詩公羊春秋與梁宏俱爲吳
郡太守尹興主簿興以楚王英謀反事覺被收并雲下
洛陽獄雲篤始終之義明興非辜不以拷掠誣服竟獄
死後使者以陸續母具食事陰嘉之上書說行狀乃赦
興等放還鄉里禁錮終身雲旣死乃旌表門閭

主簿梁宏

梁宏少隱海隅有盛名吳郡太守尹興辟爲主簿楚王
英謀反陰疏天下善士及事覺顯宗得其錄有尹興名
乃徵詣廷尉獄宏與門下掾陸續功曹史駟勲及掾史
五百餘人詣洛陽獄就考諸吏不堪痛楚死者大半惟
宏與續勲拷掠肌肉消爛終無異辭後以陸續事得釋
放歸田里

楊尚書喬

楊喬本河東人高祖茂從光武爲威寇將軍封烏傷新
陽鄉侯建武中就國傳三世以罪國除因家焉父扶字

聖儀爲武源令遷交趾刺史喬爲尚書儀容偉麗數直
言政事嘗疏薦合浦孟嘗異政竇武表薦張穉及喬等
文質彬彬明達國典桓帝愛其才額詔妻以公主固辭
不聽遂閉口不食七日卒方孝儒贊曰人之器量有小
有大或盜一錢或讓天下天下雖大一錢之積觀其用
心大者可識吾謂楊喬可爲三公屈以非義萬鍾不從
曷由知之有大人節帝女不要利豈能奪其中所重在
義與道視卓操輩穿窬之盜伊誰可方孺子之倫永言
尚友卓哉二人

高孔文岱

高岱字孔文吳郡會稽人也受性聰達輕財貴義其友
士拔奇取於未顯太守盛顯舉上計孝廉許貢來領郡
與盛有郤岱將憲避難於許昭家身往求救於陶謙謙
未卽救岱憔悴泣血水漿不入口謙感其忠壯有申包
胥之義許爲出軍先以書與貢岱得謙書以還而貢以
因其母吳人大小皆爲危悚以貢宿憤往必見害岱言
在君則爲君且母在牢獄期於必往若得人見事自當
解遂通書自白貢卽與相見才辭敏捷好自陳謝貢登

時出其母初岱將見貢時先語友人張允令豫具船以貢必悔當追逐之及出便以母乘船易道而逃貢須臾果遣人追之令追者若及於江上便殺之已過則止使與岱錯道遂免後被讒爲孫策所誅時年三十餘

三國吳

共二人

功曹邵溫伯疇

邵疇字溫伯山陰人爲郡功曹孫皓時太守郭誕以不白妖言被收遑遽無以自明疇進曰疇今在明府何憂遂請吏上疇辭皓怒猶盛疇恐誕卒不免遂自殺以證

之臨亡置辭曰疇生長邊陲不開教道得以門資厠身
本郡逾越儕類位極朝右不能贊揚盛化養之以福令
妖訛橫興干國亂紀疇以疇嗜之語本非事實雖家誦
人詠不足有嫌天下重器而匹夫橫議疾其醜聲不忍
聞見欲含垢藏疾不彰之翰筆鎮躁歸靜使之自息愚
心勤勤每執斯旨故誕屈其所是默以見從此之爲愆
實由於疇謹不敢逃死歸罪有司唯乞天鑒特垂清察
吏收疇喪得辭以聞誕遂獲免皓嘉疇節義詔郡縣圖
形廟堂

卓公行恕

卓恕字公行，上虞人。爲人篤信義，然諾不苟。與人期約，雖暴風疾雨，無有不至。嘗從建業還，會稽太傅諸葛恪問何時當復來。恕期以某日，至期恪與主人停食以須。恕至，時賓客會者皆以爲會稽建業相去千里，道阻江湖，風波難必，豈得如期。須臾，恕至，一座皆驚。

晉 共四人

司馬孫顯世拯

費慈字意附

孫拯字顯世，富春人。仕晉，爲平原內史。陸機司馬吳平

行

卷之九

六

光碧堂

爲涿令時人孟玖弟超竝爲成都王穎所寵超爲小都督縱兵大掠機戮其主者玖怒遂譖於穎言機有異志穎使人收機與弟雲俱遇害拯訟機冤因下獄拷掠兩踝骨見終不異辭門人費慈宰意二人詣獄明拯拯辭遣之曰吾義不可誣枉知故卿何宜復爾二人曰僕亦安忍負君拯遂死獄中玖并二人殺之

孫文度畧

孫畧字文度富春人伏波將軍秀曾孫也顧榮稱之薛蕪曰此兒神明清審志氣正立非常童也及長孝敬清

約學窮理與每獨處幽暗之中容止瞻望未嘗傾邪
侯家豐厚布衣蔬食躬親塋畝誦讀不廢視父母起居
常候不離左右兄篤疾經年躬親湯藥見人饑寒悉力
周贍鄉里饋遺一無所受親故有窮老者禮遇曲全又
無倦色有生刈其稻者畧見而避之鄉隣感愧不復侵
犯司空何克司徒蔡謨交辟不就尚書張闓明表薦公
車特召卒年三十八朝野嗟痛之

功曹史孔承祖祔

孔祚字承祖會稽人車騎將軍倫之弟也太守周札命

爲功曹史。札旣爲沈克所害。故人賓吏莫敢近者。祇冒刃號哭。親行殯禮。送喪還義興。時人義之。

李祥

李祥海鹽瑯城人也。少雄於力。知書史。每抱憤世疾邪之志。里中有爭鬪倖犯者。必折之以義。無少依違。人咸敬憚之。當晉隆安初。孫恩反。海上時時擾沿海。祥糾集鄉豪爲防禦。計四年內。史袁崧率兵討恩。祥挺身出從。協力築壘於滬濱。相持五年。恩率舟驟至。崧與戰。死之。滬濱遂陷。時祥不在。左在閘而奔至死所。突白刃收崧。

尸歸葬時人義之名詳所居之里曰教義里

宋齊梁陳

共七人

嚴世期

嚴世期山陰人性好施同里張邁等三人妻各產子歲
飢欲不舉世期分贍其乏三子竝得成長同縣俞陽妻
莊年九十女蘭年七十竝老病無所依世期贍之二十
年死竝殯葬宗人嚴弘鄉人潘伯等十五人歲侵孳死
世期竝爲棺歛撫其孤宋元嘉四年詔旌其門復其身
蠲租稅十年

河南尹韓德茂晏

韓晏字德茂東陽人以孝。漁起家。令永寧。遷張掖太守。至河南尹。所至以仁惠稱。方其上公車時。遇盜於途。抄掠俱盡。及行數里。見車下有絹數縑。盜所遺者。追而與之。盜相顧感歎。悉還所掠之物。晏曰。已爲君有。非吾物也。推而不受。

范義叔孫

范叔孫錢唐人性仁厚。里中疾疫。躬持粥藥。恤療之。看。父子兄弟同死者數家。戶經旬莫收。叔孫悉備棺槨。藏。

齊人呼范義孝建初辟竟陵王中軍不就

丘彥先景賓

丘景賓字彥先吳興人以節義聞父祖康任無錫令亡後僮僕數十人及宅宇畜產悉讓與兄震之震之推齊屋三間亦不肯受太守孔山士歎曰聞柳下惠之風食夫廉儒夫有立志今復見之矣官終奉朝請

范伯珪元琰

范元琰字伯珪錢唐人父靈瑜居父憂以毀卒元琰時童孺哀慕盡禮及長好學博通經史性謙讓不以所長

騷人與人言常恐傷物居家不出城市獨居如對嚴霜
見者莫不改容正色家貧雖以園蔬爲業嘗出行見人
盜其蔬元琰遽退母問竊者爲誰答曰向所以退畏其
媿耻今言其名願不洩也於是母子秘之或有涉溝盜
其筍者元琰因伐木爲橋以渡之自是盜者大慚一郡
無復草竊齊建武二年召爲安北參軍不赴沛國劉瓛
深加器異嘗表稱之梁天監九年縣令管慧辯上言義
行楊州刺史臨川王宏辟召辯不赴十年王拜表薦朱
召卒

沈處默顓

沈顓字處默吳興人演之之子也幼清靜有至行慕黃叔度徐孺子之爲人常獨處一室罕見其面從叔勃貴顓每還吳與賓客填門顓獨不至勃常就之歎曰吾乃今知貴不如賤也顓至性孝友兄昂以家貧仕爲始安令兄弟不能分離相隨之任顓素不事家產及昂歸值齊末兵荒與家人并日而食或有饋其梁肉者閉門不受唯採蓴荇根供食以樵採自資怡怡然恒不改其樂

吳達

吳達吳興人遭飢荒疾病合門死者十三人達時亦病
篤隣里以蓆席裹其死者暫瘞之既達病愈家極貧窘
冬無衣被晝則備賃夜燒磚甃率其妻晝夜在山管葬
未嘗休止毒蟲猛獸遇達輒爲避去暮年成七墓窆十
三棺時有賻贈一無所受人皆義之

隋 凡一人

司馬姚士會最

姚最字士會僧坦之子察之弟也博通經史尤好著述
年十九隨父僧坦入關明帝盛聚學徒校書於麟德殿

最預爲學士隋文帝踐極除太子門大夫後襲爵北齊郡公及平陳察至卽讓封於察轉蜀王秀府司馬秀陰有異謀最屢規切不聽及敗最任以爲罪時論義之

唐 共三人

丘庶子爲

丘爲海鹽人事繼母孝嘗有鹽芝生於堂下官至太守右庶子及致仕年八十餘而繼母無恙詔給俸祿之半以養母初還鄉縣令謁之爲候門聲折令坐乃拜里胥立庭下旣出乃敢坐經縣治降馬而趨說者以比汜恭

年九十六卒

陸洸馬南金

弟趙璧附

陸南金元感子也唐開元初少卿盧崇道抵罪徙嶺南
逃還僞稱吊客突入金舍金匿之事覺詔御史捕案金
當坐法弟趙璧自言匿崇道者我也請死金固言弟自
誣不情御史恠之璧曰母未葬妹未歸兄能辦之我生
無益不如死御史上狀玄宗竝宥之金官至太子洗馬
按松江誌陸氏世居華亭元感葬
崑山在海鹽木析之前故錄之

禮部尚書羅景宣議

羅讓字景宜會稽人珣之子也蚤以文學著聲舉進士
高第爲咸陽尉父喪幾毀滅服除布衣疏食不應徵辟
者十餘年淮南節度使李鄘延致幕府除監察御史
遷福建觀察使兼御史中丞有仁惠名或以婢遺讓者
問所從婢答曰女兄九人皆爲官所賣留者獨老母耳
讓慘然爲焚券召母歸之人爲散騎常侍拜江西觀察
使卒贈禮部尚書

五代

凡一人

稽玄道雅

褚雅字玄道。錢唐人。梁末隱居於茅山。樂施輕財。拯物無厭。管田既穫。以與貧者。與人共居。常旦起灑掃取水。偏以周給覓薪之人。夏月移瓜。恣人來取。當時行暑道無暍者。人或以爲難。而玄道行之終身如一日也。

宋

共四十六人

侍御史江漢臣景防

江景防字漢臣。常山人。初事吳越。爲侍御史。唐末諸國私爲重歛。吳越尤甚。民皆困苦。及宋平諸國。賦法皆仍其重。景防歎曰。民苦苛歛久矣。使有司仍其籍。民困苦。

已時也。吾寧以身任之，遂沉圖籍於河，詣銀臺自効。所以亡失狀。太宗怒，謫沁水尉，遂屏居田里。以卒。其後子孫相繼擢正科者四十九人。其由他科顯者不在是數。而五世孫侍御躋、六世孫侍御溥尤顯。至十世孫萬里，遂登台輔。人以爲景防陰德之報。

進士馮公初制

馮制字公初，少敏慧，泚獵書傳，善屬文。天聖中，舉進士，篤於養親，遂絕意仕進。家裕好施，康定間，里大飢，民易子而食。家有穀數千斛，悉貸之，藉以全活者百餘家。舍

東有古陂縣長牟經俾鄉先生王致楊適耕之民數奪其陂水利論民穿古渠引潮以溉無復奪水之擾二先生割田爲壽制卻曰吾哀兩先生窮耳豈望報邪嘗過錢唐會故知錢寺丞負客債數百緡索之急悉與償之居常聚族子弟誨之務中規矩未幾弟準子碩姪景相繼登進士鄉人榮之

葉某鄉名曙避英宗諱

葉某鄉名曙避英宗諱以字行錢唐人生而穎拔凡三試開封率高等用嘗試御前恩授鄭州長史司法桂州

卒贈太子中允杲卿在桂有吳謚爲象州武化令而死
其妻挈二女歸閩而妻又死杲卿爲置地合窆之哀二
女之無歸也娶以爲二子婦家故饒財諸弟用之殆盡
乃求異籍杲卿喟然曰家事至此由吾祿薄不足以聚
親族汝曹何咎諸弟聞而慚沮復合如初師事林逋天
僖末錢唐有巨石浮於江太守問逋逋以問杲卿乃按
樵子五行志以應曰其當在萬乘乎未幾真宗上僊於
是人服杲卿多聞而始知樵子爲奇書二子昌言昌齡
同榜進士昌言秘書丞昌齡屯田員外郎皆以學術政

事知名人以爲娶二孤之報云

黃仲驥振

黃振字仲驥諸暨人輕財好施嘗建一樓隆寒盛暑必登之以望村野有日中未舉炊者往遺之米寒無告者遺之衣其妻劉亦斥奩橐置義庄以歲入濟族黨之不能婚葬者鄉人德之名其樓曰望烟莊曰仁壽振後以子貴贈衛尉少卿劉封仁壽夫人子孫代有顯者

衛輔之公佐

弟公寬公望附

衛公佐字輔之海鹽人事繼母以孝稱族有不能婚嫁

者悉爲遣之聚書數千卷禮四方賢士教訓子弟時縣
未有學捐地爲址又獨任禮殿之役熙寧末飢疫邑人
賴以救療元豐中復飢民皆負稅令滿代者已至轉運
使苛留使督逋負縲繫盈庭公佐悉出累代輸之弟公
寬公望竝敦行義時人俱爲推重

吳孜

吳孜會稽人嘗從胡安定學名聞嘉祐治平間會郡謀
建學孜卽捨宅爲基初學成太守張伯玉至以便服坐
堂上孜鳴鼓行學規伯玉欣然受其罰王十朋題其祠

云右軍宅化空王寺秘監家爲羽士官惟有先生舊流
館春風歸在杏壇中

吳福

吳福僊居人性純實括有巨賈留千金其家久之不至
福爲質遷得贏俟賈至併歸之賈曰向者吾留千金耳
贏則君自致吾敢觀乎互相讓決之縣縣上之郡使中
分其息福仍不受賈以其半捐之僧廬謂福曰君行誼
如此不應久無子吾近得顏士女願奉養爲嗣續計福
曰君念及吾嗣敢不爲先人拜賜遂遣禮納之後生子

車積至芾兄弟登上第歷顯官云

典國司理賈元範如規

賈如規字元範樂清人宣和中補太學生靖康之難諸生欲逃去如規厲聲言曰吾輩人被教養國家貼危乃求苟免乎稍有留者以特奏名調廣昌尉捕盜合格當改秩謝弗言再調典國軍司理不赴讀書鹿岩下重義好施族里賴之時稱尚義篤行者必曰賈司理

江統領渙

江渙字德濟武義人自幼勇毅以杖擊石石碎而杖全

陸寇起縣板防守隘橋屢以少擊衆保全鄉井後隸漢
西鄧瓊麾下瓊畔殺參謀呂祉舉軍降於劉豫將出境
漢與其屬謀曰吾儕誓忠義死君父詎可爲降俘夜與
其徒還得祉之首至楊子江無舟可渡埋其首於江阜
議其處遂浮渡達行在時方收鞠祉家屬漢詣理力明
其不叛具告所以然命押漢取祉首按驗不誣遂赦其
家出獄者咸拜漢曰微公吾曹安死生忠義得白皆公
力也後任廣東統領平海寇以一矢殪其渠魁卒於官

陳德高

陳德高東陽人辰州太守琰之父也慕范文正公之義
割腴田千畝立義庄以贍宗族又設義學以教里中之
子弟族人婚宦死喪皆有助及遭困阨貧不能立者袖
金予之不令人知有貧而鬻產於德高者如其請畀之
金積其人及原直則舉以還之山陰陸游嘗爲撰義庄
記

黃巨濟汝楫

黃汝楫字巨濟振之玄孫也家故饒而好義宣和間方
臘犯境汝楫罄其貨寶於室將出奔忽賊黨有執白旗

來者見楫輟拜楫驚視之乃舊僕也語楫曰吾主掠士
女千餘閉空室中索金帛以贖否者且殺之楫惻然曰
我所藏直數萬緡願以贖衆命遂悉發所瘞輦輸賊營
千餘人皆得生歡聲如雷悉詣門泣拜以謝有願輸身
爲奴婢以報者悉拒不受一日夢金甲神謂曰上帝有
勅以子誼人多賜五子科第紹興中汝梓爲浦江令其
子開闢閭閻果相繼登科高宗賜詩有昔日燕山實
今朝浣水黃之句浣水黃所居地也

楊大同

存大同松陽人素業賈寧武林邸舍忽聞隣哭甚哀詢之乃王尉失囚獲罪鬻女以贖故相泣別大同惻然遂傾橐以貸王尉慚謝叩其居里姓名大同曰吾豈望報乎遂拜而辭他日大同婚鄭克寬登進士調鄂州監酒時鄂守卽王尉也克寬以公過候門守覺其鄉語類大同乃進而問曰汝何居對曰括之松陽汝識楊大同乎曰妻父也守驚曰汝外翁尚在否曰作矣惟妻母見留此守曰汝爲我迎楊媼來至則坐媼於堂率子女羅拜於下以母事之因語其故置克寬於幕以薦之

王朝奉允卿

子唐珪附

王允卿字成之松陽人尚義好施嘗往括城索逋宿其
家夜遣其妻叩門卿閉門不納遲明卽歸不復索每寒
雪起視隣寒不烟者密以米置其門歲飢山民煽亂輒
議曰我等至縣必驚西門王朝奉奈何終不入邑民賴
以安世有變西門王承奉之比子唐珪字廷玉屬邑飢
縣官勸貸珪方牀角請書於籍願以千石濟之衆異其
志登淳祐進士歷仕至監察御史言事忤賈似道意諷
言官論罷之

劉進之愈

劉愈字進之永嘉人孝友端懿遇人急稱貸施予如不及事有利病以身爲倡必興除之由是信義著於鄉里
與庚午大飢以其家產薄貸於州得米五百斛以歸分賑鄉里愈獨不收貸自以私廩貸官隆興甲申又飢郡難守丞愈獨投匭丐發常平求降度僧牒轉糴他郡與同里徐謙協力賑拯全活甚衆太守張九成下車得愈之賢移書致饋其書有云孝於親友於弟行義聞於鄉里敬致州郡之禮以見尊賢之誠時人爲之語曰入栢

漢不見劉進之適樂清不見賈如規是浮洞庭不嘗桶也

縉雲丞喻伯強南強

喻南強字伯強義烏人少負奇氣父直方謂似陳亮俾從之游同門者數百人亮獨稱其議論可畏讀書至名義可喜事輒擊節慨慷及亮爲當路排陷不測門人畏其威禁不敢出聲南強從兄侃與同志生極力營救幾蹈罷職南強義形于色奮不顧走東甌見葉適備述亮冤狀適曰子真義士也卽秉燭爲書數通南強又持走

越親見諸臺官誦言無忌卒直亮之冤累貢於鄉不得
第用右科調富陽尉當是時禮部侍郎真德秀以言事
去權姦風京尹跡其所至欲併以爲罪德秀所過富春
江南強亟請見且賦詩爲餞時人皆壯之轉承直郎處
州縉雲丞未上卒所著有梅隱筆談十四卷藏於家

通判邵武州薛子周洽

薛洽字子周永嘉人入太學所交皆名士會齋舍疫作
鮑粹然疾尤篤司舍皆弃去洽獨移卧具與俱蚤夜治
藥餌謹視之三月乃愈粹然每告人曰子周生我登淳

縣第終通判邵武軍

楊時發庭顯

楊庭顯字時發自鄞徙慈簡之父也少時嘗自視無過視人有過一日忽自念曰豈其人則有過而吾獨無於是自省卽得一過旋又得二三已而紛然乃大恐懼痛懲力改刻意爲學每見其過輒內訟不置及於夢寐怒艾深切或至泣下自撾旣久其功益密嘗曰如樵童牧豎有以誨我亦當敬聽之已而舊習日遠新功日著自其于簡識事未嘗見父有過所自責者類非形著每每

自所以示鑒戒一夕被盜諭子孫曰婢初告有盜吾心
止如此張燈視筭告所亡不多吾心止如此今吾心亦
止如此四明士族稱躬行有聞者以庭顯爲首象山陸
九淵爲之墓碣九淵嘗曰志墓非古而銘多溢辭故不
苟作余銘黃南豐楊慈谿二君之墓海內名議謂無媿
辭

吳起之作禮

吳作禮字起之諸暨人開禧間有寇掠鄉民勢甚張作
禮與兄弟議爲防禦計因積薪備酒饌賊至迎勞飲食

之乃闔戶焚其廬無得脫者事歸拜保議郎

長興丞曹文起沂

了茂冲附

曹沂字文起瑞安人父絳里稱長者遇歲艱率族衆定
里穀價十損二三以便人沂輕財好施能繼其志嘉熙
庚子歲大侵亟傾廩得積穀六百斛盡發以賑貧民族
兄弟有爭田訟久弗決者沂割已產平之晚以特科入
官終長興丞子茂冲登淳祐第通籍金閨終知定海縣
人以餘慶歸之

德清尉潘和叔景夔

潘景夔字和叔松陽人初爲德清尉邑有富民爲盜所掠景夔躬捕獲二十人法當改秩同僚畢賀景夔慨然曰是豈無誑誤者邪若以幸賞爲心則吏卒鍛鍊以成獄吾不忍爲也同僚歎服卒不赴調掛冠歸

陳光庭

陳光庭樂清人嘉熙庚子大旱歲飢死徙不可勝計光庭創東西二倉節已口腹聚穀於中令里人以物質穀不取其息春耕則納質以取穀秋歛則納穀而取質民咸德之又捐田八十畝以其穀置義冢收遺骸及資貧

不能婚嫁。病不能醫藥者。又爲歌詩十章。以諷勸。藏歿之家。石室林一龍。名其倉爲集義莊。爲文記之。

國子監錄事王彥古漢英

王漢英。事彥古。奉化人。受業樓昉。文行高阜。登淳祐進士第。魁梧爽朗。朝列備之。少聘徐氏女。因病鼻腐。以貌醜。自誓不嫁。父母憐之。曰。公盛年高科。不患無良配。女陋不敢以辱公。漢英曰。女有疾。非漢英誰適。既昏。相敬如賓。仕止國錄。妻沒終身不畜婢。

姚君俞獻可

疑獻可字君俞義烏人隱居郭西門風度孤鶯不同於
物年飢不粒食蒸菰菜茄子啖之而無醢鹽人始憂其
不堪既而見久不屈稍聽向至老益自勵無妄取人遂
翕然信重之禁尚書適嘗訪之曳敝屣出迎如舊識既
病華度不起以書造適曰我能守義不辱子宜爲我銘
臨終戒其弟曰棺前止須布幃一幅置瓦鑪於案知我
者當自來哭其不知者雖哭吾不對也其卓立自信如
此

太學吳彥成圭

吳圭字彥成、義烏人、倜儻好施、與太學生程績從故人
貸錢三十萬、將葬其親、爲同舍生所紿、俾歸受償於其
兄、瀚約弗與、圭如數代償、迄不較、初至京、方入國門、道
遇鄉人士葉祖信、爲太學陳生、哀其棺歛、圭遽曰、海暑
如此、須臾則事緩矣、立如所札付之、其輕財重義、類如
此。

汪時發大度

弟大章附

汪大度字時發、金華人、受業呂祖儉、自號獨善、慶元初、
祖儉忤權姦、貶韶州、大度走送之、押解者希當路旨、凌

盧祖儉大度以義折之身爲調護從至貶所久乃還所以經紀其家者甚至弟大章字約叟亦從祖儉游祖儉之卒也大章距秋試纔四日舍之就道護喪以歸故人路知監卒于斬不能還葬大章走斬載其柩歸割地葬之當是時二難之義聲烈於今古

盧崑民

盧崑民東陽人存心仁厚嘗拾遺珠一裹價值不貲持歸令人於獲處俟焉少頃失珠者號泣而來詢得其實舉還之其人請割半以酬崑民曰吾豈利若物哉堅却

之其人泣且拜曰非公吾死矣今之生公之賜也後嬰疾幾殆忽神降於女奴言曰上帝以君還珠之德賜以壽考遂念詩告其壽數後示方服藥疾立愈卒年八十六果如詩言

葉會之大同

葉大同字會之其父誕嘗從呂成公講明義理之學故其爲人重義氣言必稽古有友人死而無親將賣廬以飲大同曰吾未死已有親友已死乃無親吾縱死不至剝廬友雖死不可無廬姑以親吾者親之衆高其義共

襄其子大同兄弟三人其兄紹彭早世無嗣乃以幼子
後之或謂法應三分其室大同曰嗣可三室不可三
明義利也義利明則吾兄真有後矣魯齋王文憲公聞而
稱之曰世有繼嗣而爭者觀此可以媿死益見吳縣家
庭之訓久而不泯如此

胡廉一麒麟

胡廉一名麒麟字德仁世居湯溪父贅楓林以客死失恃
年十三奉母孀居克自樹立撫弟廉三稍長受室甫暮
而廉三以疾卒慟哭幾絕弟婦遺腹五月每夜必焚香

告天曰。吾兄弟三人。季早亡。仲復夭。吾今有二子。而仲
僅有遺腹。願天寧奪吾子。年以益遺子。承弟嗣。及蓀果
降。雄名印童。不三月而弟婦病乳難死。廉一旦哀且懼。
與妻江氏謀曰。吾弟止此一子。不可復得。吾次子可托。
隣母乳。而此子湏汝自乳之方。保無虞。又慮妻意不專。
計將柳木。倒插井傍隙地。因詒之曰。日者皆言此子命。
合三奇。吾將試此木。插地若能生活者。是兒必大。吾門
已而柳葉森然。江氏撫育意益堅。及長。婚娶畢。獨計資。
居母家。俗鄙悍非所訓。子姪也。乃擇青陽善地。徙居之。

之各投田俾畊以自食遺訓家規二十四事有出仕不可捷徑以倖進當難不可詭計以偷生之語蓋於世教有補云其子孫簪纓濟美爲湯邑稱首

特奏狀元石道叟公轍

石公轍字道叟新昌人爲人重交敦義初游太學同舍生朱夷行寢疾無親黨公轍爲謁醫治療旣不起家人聞計方徬徨不知所爲而公轍已扶柩在門矣時舟行月暑目青幾失明忽夢夷行如平生曰目青奈何有爾朱先生者術如神覺而異之至京口有言爾朱先生者

公轍因謂之得藥如芥子旦夕服之目如初登紹興二年特奏狀元後年八十手自校書燈下作蠅頭細楷人謂其報云

黃青陽叔言

黃子游字叔言其先自浦城徙奉化崇寧星變父宰上封事論蔡京京怒逮付御史獄長流海島子游號訴於朝父得不死建炎初客南京歐陽徹以上書忤宰相坐奔市子游適同邸脫驂以葬且賜其子以喪歸張忠獻公每對客誦言曰子游之義近世所無也忠獻謫永州

歲遣人致問守池州青陽縣縣以宋齊丘食邑田賦十倍相仍餘二百年子游奏蠲其半中歲不願仕食祠祿十五年築聽雨堂兄弟相友官其猶子竭資嫁兄之諸女卒年八十八

李嘉猷

李猷字嘉仲一字猷夫鄞人建炎初以婦翁沒王事自京師詣南都行在所遇友人陳東被召至舍館未定乃爲假館於太僕寺丞陳正彙少陽再上書不報有榜通衢斥附會李綱者猷知爲少陽將勸之歸而少陽已遠

赴應天府。隨戮於市。猷哭且祈曰。少陽以忠諫死。勁節
英氣。當不與草木同腐。吾欲收少陽歸葬。莫能得。少陽
有靈。其啓我心。越一日。得尸。又一日。得其元合。而歛之。
方買舟東下。會其鄉人胡中行。從太學來。欲親護喪。猷
服其義。并以行李付之。猷亦不暇詢婦翁事。亟還京師。
豐宅之有俊

豐有俊。字宅之。四明人。稷之四世孫也。登青樓。見小嫗。
疑故人女。累日之。女亦悟酒罷。留宿。女羞澁。良父曰。豐
官人。識妾否。詰之。果故人女。豐曰。某所以留者。以坐間。

不得問也。宜各寢。必有以處。汝媚遂退。豐與京尹有舊。明日以白尹。且曰。某僅有錢八千。從公更貸二百千。嫁之尹。嘉其義。卽取入府。厚奩具。擇良士嫁焉。尹卽山陰王宣子佐也。朱熹同科進士第一人。

袁昇

袁昇鄞人。初爲小吏。給事通判廳。勤謹無失。歲滿當代。不聽去。家裕於財。五旬無子。往臨安買妾。旣而察知其爲四川故趙知府女也。卽還。其母母泣曰。計君聘財猶未足。給歸費用。且破矣。將何以酬君。昇曰。賤吏不敢當。

此願以聘財相助。知其不給。又罄橐以贈。歸告其妻。妻喜曰。若設心若是。行當有子矣。明年生子。詔官至參知政事。贈太師。越國公。曾孫楠。官至翰林侍講學士。贈參知政事。陳郡公各有傳。

陳惠卿祖

從孫雷附

陳祖字惠卿。新昌人。少孤。事母至孝。善治生。數睦宗黨。嫁其孤女數人。貲負平糴。邑人德之。創義塾。延名師。以淑鄉之俊秀。凡喪膳薪水。僮僕咸具。歲費錢萬緡。弗少吝。士由以登庸者。後先不絕。祖沒。從孫雷克繼其志。創

在山東塾而以祖所建名西塾張卽之爲館賓榜曰洞
門無鎖鑰有客不妨來由是遠近來學者日衆門墻冠
蓋相望而兩塾之名聞於四方又置義田義役義倉義
井義阡義局以闢鄉黨邑人至今談陳氏事有墮淚
者雷字震亨世居仙桂鄉之平壺以恩補登仕郎凡三
辟皆不就卒祀於學宮

陳關門柔

陳柔平陽人性冲約不喜競里人有侵其地者族黨謂
當訟之柔曰諾一日具酒食會集議食畢衆請所議柔

獨行

卷之九

七

光碧堂

日以酒食飽更胥何如吾黨自樂之尋丈地不足較也
求愧服人或見陵閉門不兢內外呼爲陳關門

何長者達

何達永嘉人好義輕財親戚朋舊貧者賑之死而無歸
者葬之食客日常數十人歲或艱厄貲貸不倦鄉民賴
其恩惠有訟不之官得一言而兩憾俱釋人稱長者

徐正卿端臣

徐端臣字正卿清山人幼有異稟日記萬言事祖父母
以孝聞值歲飢輒出粟平價以濟貧乏創社倉飾學祠

疾病以藥貽死以棺義聲宜於遐邇浙東提舉朱嘉行部至縣特造其廬後以子爵恩補宜義郎卒年八十三贈銀青榮祿大夫寧國郡公

張教授仲淳

張仲淳秀州人以文行知名居鄉教授好周人之急務行陰德不求人知偶一商疾篤授仲淳問其姓名鄉里言訖遂斃裝有十金仲淳自爲具棺歛召其子護喪持金歸復捐資經紀其喪事一夕夢死者來謝曰荷公厚德無能結草公今生貴子矣已而生子師中舉進士爲

館職終京西漕使尚書工部郎中

朱孔目承逸

永承逸異興人爲本州孔目官夜過駱駝橋聞橋下哭聲甚哀視之見一人携妻子欲共投水問之云負勢家錢三百千督責無以償耳朱卽護歸見債家悍僕群坐朱諭之曰以三百千使四人死於水於汝安乎吾當代還急取券來如數還之其人感泣願爲奴不聽復以三百千資之而去

額潤之德王

顧德王字潤之嘉興人從寧國教授俞長孺游長孺有
道士然而無子嘗語人曰吾昔寢疾於杭德王侍湯藥
情猶父子嘗爲感動弗受謝今我行且老必寄之以灰
旣而訪醫吳中病且革趣舟歸德王旣死德王歎於家
衰絰就位邦人士爲德王來吊者德王答拜葬海鹽歲
時享祀唯謹

婺州錄事方無盡永齡

方永齡字無盡金華人敦禮尚義而好施宋末兵興歲
飢流亡載道永齡發粟作糜以食餓人復作棺衾以給

粹。歟。之。無。告。者。薦。授。婺。州。錄。事。入。元。棄。官。隱。居。孝。川。徵。聘。不。赴。惟。儲。藥。施。方。以。濟。患。者。終。其。身。不。怠。

徐臻

徐臻温州人。父官河南。德祐元年春。臻往省。以道阻。會。文。天。祥。勤。王。臻。往。依。之。以。筆。札。典。樞。密。小。心。精。練。天。祥。被。執。臻。脫。難。復。來。願。從。天。祥。北。行。扶。持。患。難。備。殫。忠。款。至。隆。興。病。歿。

潘敏脩好古

潘好古字敏脩。松陽人。博學能文辭。游成均。所交皆海。

內名雋嘗值歲飢傾廩以賑窮餓一日山水驟發陸地
皆成巨浸好古與同處者數十人方虞墊溺惶惶莫措
忽有操舟來援者好古諭舟人先濟餘人舟人曰吾德
公故冒險來計不知有他好古曰濟人猶濟我也卒先
餘人而後濟義問陰於一時

唐玉潜珏

唐珏字玉潜山陰人家貧聚徒授經以養其母歲戊寅
總江南浮屠楊璉真伽發宋諸陵攫其寶玉珏聞之不
勝痛憤亟貨家具及執券行貸得百餘金乃具酒邀里

中少年與飲酒且酣。少年起請曰：「君儒者，若是將何爲？」
王慘然具以告。衆謝曰：「諾。」一少年曰：「事露奈何？」王曰：「余
固籌之矣。要當易以他骨，乃具木匣，絹囊各署其表，曰：『某
陵某陵』，分委散遣。收遺骸瘞蘭亭山中，樹冬青樹其上，以識
越七日，髡徒下令：『哀陵骨，雜置牛馬枯骸中，築一塔壓之。』名曰鎮南。杭民悲惋，不忍仰視。了不知陵骨之猶存也。
未幾，髡賊被誅。王事乃稍稍傳播，義聲震吳越云。」

泉州教授林德賜景熙

林孝魚字德賜平陽人上舍釋褐歷泉州教授鄧架閣
丙子元兵破杭河西僧楊勝吉祥從伯顏在軍中遂盡
發越上宋諸帝山陵取其骨築塔於內朝舊址其餘骸
并草莽中人莫敢收適景熙與同舍生鄭襟翁在越上
瘞憤不能已相率爲採藥者至陵上以草囊拾而收之
又聞理宗顱骨爲北軍投湖水中購漁者求之幸一網
而得乃盛以二函託言佛經葬於越山且植冬青樹識
之因而爲詩曰珠亡忽震蛟龍睡軒敞寧忘犬馬情親
拾寒瓊出幽草四山風雨鬼神驚又曰一坏自築珠丘

土雙匪猶傳三國經獨有春風知此意年年杜宇哭冬
青冬青花詩曰冬青花花時一日腸九折隔江風雨青
影空五月深山護凝雪石根雲氣龍所藏尋常螻蟻不
敢穴移來此種非人間曾識萬年觴底月蜀魄飛遶百
鳥臣夜半一聲山竹裂聞而知者義之後歸鄉教授忠
義之懷每形於言語文字間其文曰白石稿詩曰白石
燕唱皆行於世以壽卒於家

將作監簿王才翁英孫

王英孫字才翁會稽人博通經史歷官將作監簿罷歸

惟越中大飢發私廩以賑全活甚衆道上有弄孩輟收
恤之又喜延致四方賢士日以賦詠爲樂若謝翱鄭櫟
翁林景熙唐珏輩皆慕其義與之友所著有脩竹集

元

共十八人

茂林逸叟葉貫道

葉貫道瑞安人居郭陽紫華山中蚤喪父事母至孝母
死廬於墓左每祭掃必痛哭嗚咽元初兵至鄉民橫罹
鋒鏑暴骨野中如莽貫道哀之與子堡携筴檢拾聚而
埋之表曰同歸之墓晚年高隱自適號茂林逸叟

翰林掌書劉浚登濠

劉濠字浚登世居青田仕宋翰林掌書元初林融起兵
與復融戰死元遣使至境上糾祭餘黨將盡殺之鄉豪
扶仇投籍使者逮無辜至萬餘人濠適往謁閱籍知狀
歸悲忿不能就枕會天大雪因孫燭計具酒肉邀朝使
飲晏至夜沉酣翼卧小樓探袖取牘錄其巨魁二百人
懷之因積薪樓下縱火延燒及樓使者脫走因出懷中
二百人授之朝使馳上命下止戮如濠所錄存活無慮
萬人濠生廷槐寔極天文地理陰陽醫卜諸書爲太學

上合廷槐生燭燭生基封誠意伯古云活千人者子孫必侯劉之世食其報也宜哉

水西翁呂仲脩汲

子機附

呂汲字仲脩永康人少嗜學至老不輟養親必洗嗽而身與妻子粗糲自甘宗人貧者月有廩年當入學者家有塾隣里以急告者責之如持左券歲歉親爲粥以食餓者所活千百計當是時大盜竊發官軍進討強起其父憊以鄉導汲身翼父行踐重山密林探其巢穴事平口不言功識者推其雅量晚益務輯晦自號水西翁子

機字審言、刻意於學、通春秋大旨、尚義好施、推誠待物、人或懷嶮巇以相傾、忍弗與較、綽有父風。

童子丹金

童金字子丹、慈谿人、家素饒裕、至元間、以才能薦授進義副尉、歲督海運秩滿、扁所居曰一閒築隄浚澤興水利於鄉、卽先廬側築室百餘楹、爲義塾、割腴田四頃、延師以淑來學、別置田二頃代鄉隣之輸、及給貧不能養、死不能斂者、大德中歲饑、流殍相望、金發積以貸全活者數千人、有司奏旌其門。

陳志寧

陳志寧諸暨人與弟嵩之篤手足之愛事母極孝兄以
事出則弟在膝下弟或暫出則兄留未嘗同離左右總
總如嬰兒嘗割田一千畝山五千餘畝造屋三百餘楹
爲義庄義塾聚族里之貧者養之未知學者教之人以
爲一鄉之父師事聞旌爲義門

諸暨州判官俞時中器之

俞時中字器之金華人宋季避兵山谷間叔母劉爲元
兵所得欲殺之時中聞其聲挺身出曰此吾母卽欲殺

請以身代主者壯其言釋劉而挾時中北行至京師語其事公卿皆歎奇之使受學羅郎中所時羅方貴倖嘉時中才以女妻之薦入翰林纂次本草遂爲太醫令歷官監通州樂歲倉秩滿求便養得諸暨州判官以歸抵家父母暨劉已前卒乃爲位制服晨夕號痛如初喪聞者爲之流涕

方鑑

方鑑諸暨人讀書負氣自豪好脩行義嘗割田千畝收歲入以贍族之貧者建義塾禮聘名儒黃叔英項炯與

朱其主教事以造就後學一時俊彥雲集隨至游於塾者多爲方聞之士當時衣冠雖沒於腥羶而東南文明如故不至受變於夷者諸義塾之功居多

劉十三

劉十三湯溪人一女弟有容色贅胡氏邑之王萬戶舉官也偶至其家窺見之十三逆其意不良乃遣家人悉潛匿而自款待之及晚果來索其女弟不獲大怒遂以油灌十三頂而焚之曰從則我之骨肉不從則爾歸鬼錄十三大罵曰我中山劉氏豈同狗彘以從汝乎寧死

耳不汰汚也。罵不絕口。竟焚死。今胡氏世祀劉氏於家廟云。

趙孟治 子由鍾附

趙孟治山陰人家。世業儒。尚義。皇慶中。捐田三頃爲學。園。又捐田三頃。人義廩。給鄉人之貧。而無以婚葬者。舉聞。有詔旌之。子由鍾行義。有父風。丁未歲大飢。設粥於道。以食餓者。所活數千人。由鍾子宜法以進士起家。

樂君道大原 孫良附

樂大原字君道。定海人。器度宏偉。慨慷多大節。居家孝。

以事繼母尤謹燕閒無惰容耻言人過失大德丁未東
浙大侵大原發巨艘販泉南廣東之米平價使人就糴
遂近畢集活者甚衆有持舊書易米濟飢者輒應之遂
畜至數千卷曰吾子孫必有能讀是者孫良果能讀其
藏書屬文數千言立就時朱陸異門良受業程端禮學
以朱氏爲宗洪武初爲定海縣學教諭以學行表帥後
進有遺稿五十卷

宣子初玄

宣玄字子初諸暨人性端麗而志尚修潔與剡人商舜

華善舜華游西州以銀一篋寄玄家歲餘舜華客死玄
祭酒羹雞至其家奠而哭之因舉金還其子其子初無
知者人皆服其高誼

黃熙安純裕

黃純裕字熙安定海人震之五世孫也自幼服膺祖訓
孝友純篤言動不苟鄉隣有鬭爭者輒以理曉譬莫不
心服故一鄉之民無復有訟于公庭者當時爲之諺曰
登泰山不若登崑崙見縣令不若見黃君尤精於釐政
有司聞其名吳元年舉爲龍頭場管勾羣灶鼓舞稱更

生純裕公庶仁恕綜理周悉上資國課下得竈心凡煎
餅之法至今賴之

黃新

黃新諸暨人汝楫六世孫也性倜儻好義祖遺義庄閱
廢已久新盡得購復之以賜族人歲侵鄉人持券物來
質粟不較其值而與之所居當婺越之衝爲飲食以待
困乏者年七十餘盡出所質文券約三萬緡悉焚之曰
吾非敢以此市義吾生無德於鄉人無留此以益身後
之過聞者感泣

潘生

潘生富陽人世業農幼喪父獨與兩弟奉母居間出與人執填甕治筐筥又爲善工大德間江南大飢道殣相望自度無所得食曰吾終無以給母則母子俱死等死耳盍若用吾強壯少延母旦夕命乎卽以母屬兩弟自傭回鵲人乃告母曰兒當傭錢唐數月得錢米活家且自活母勿憂旣回鵲人轉賣遼東大家遣代戍古北口會有詔江淮子女流徙者衆禁人毋得轉掠饑民使悉還鄉土遂得從遼東還道一女鬢尾行問之曰淮產也

昨因飢父母棄我轉徙數家今主家遣我歸君南人能
扶我同歸乎卽相與操瓢道乞夜泊茅葦中雖顛沛流
離親昵日久曾無一語及亂渡淮曰我家通州今近矣
君盍送我到庄乎女上堂見父母父母攬涕起相抱持
詰門外同來者女具以對父母感其義引生更衣具酒
張樂酒半執觥跪曰吾女幸完骨肉歸見鄉里免罹霜
露盜賊君力也今吾女尚處子君誼聲暴淮楚間且君
去家父母不知存亡歲下薦饑鄉閭必離析廬舍必墟
莽雖有兄弟亦恐不能自存活吾家尚薄有園田給養

弟、吾女實君箕帚妾也。君必無歸生則毅然謝曰：吾何敢以若女爲利哉？吾雖賤不讀書，且義不敢取。况吾母固衰老，度尚可活，萬一母死，兩弟或有一存，今遂不歸，是吾遽死，吾母也。吾又何忍？卽安此土，乎遂告歸。母死者，蓋三載，兩弟亦死。生追制服，復食其故技於鄉，以終。

陳成甫紹

陳紹字成甫，慈溪人家。饒於貲而性尚澹泊，粗衣糲食，惟以行義爲急。遇隣里喪，不能舉者葬之，死不能斂者，資其衣棺，貧不能自存者賑以粟，里有金生者，貧而自

守紹歆而憐之密於暮夜持金錢投其家時邑治闕官
舍令富德庸嘗主其家紹告以撫字當急瘠民肥已君
子弗爲令終任一介不取及代歸囊橐蕭然適長女死
紹爲之歛且出所積以助其裝邑饑發困以貸而全活
者衆一時皆稱爲篤行長者

孫泰然宣

孫宣字泰然嘉興人有俠氣兄弟析居竝以義讓元季
苗兵將屠邑境宣獨叩軍門請以身貸辟嚴義正主帥
壯之竟釋城不屠當是時以七尺觸鋒刃寧有幾幸哉

義之所動。凶威頓戢。卒之身與城俱全者。則天之陰陽。善人也。昔外黃兒以辭說。不以身乞。千古猶爲美談。若宜者。與義烈古人矣。

劉韶父大音

子剛附

劉大音字韶父。義烏人。蚤孤。事母李唯恐弗及。弟音繼於別宗。推母之愛。愛之無少靳。性沉靜寡默。才識夙絕。人多嗜腴田。營營求獲。大音曾不舉目睨之。世咸以爲病。音曰。吾將利吾胤耳。子奈何欲陷之邪。未幾。多田夫荷械走。冰霜中始歎服其識。族人瀕死。子方乳。以紫漿

泣授大音曰非君仁恩不足以保此子卒藏券符俟其子長召而觴之枚數以還其焚券周急拯難嫁嫁不一而足歲稔羣盜起至相戒不敢入其里宋太史銘其墓稱爲古之吉士云子剛克苦攻學從宋太史游雅爲蘓伯衡方孝儒所推許以文名於世

吳長卿宗元

吳宗元字長卿諸暨人輕財尚義歷叙古今孝弟忠信之人爲七言古體以訓迪後人元季兵興避地者多依之周給一無所吝歿之日議不識皆歎曰義士死矣奔

哭墓下者數百人太史宋景濂志其墓

兩浙名賢錄卷之九終